

Azimuth
Circuli ver-
ticales.
Scheitel
kreyß
Zenit
haupt
punct.
Scheitel
punct.
Arcus 12.
domorum
celi.

Heiser
Kreiß:

Die krayß
der 12. heu-
ser des he-
mels

Arcus ho-
rarum in-
equalium.

Die krais
der p'ane-
gen stund.

hinter die
zum reit
102mm

Circulos verticales / aber die Teutschen Scheitel Kreiß / von
des wegen / das sy all mitten durch den punct geend / der am
hymel eben mitten Erad ob vnser scheitel steet / welcher punct
Zenit in Arabischer sprach / vnd zu Teutsch haupt punct
oder scheitel punct genent wirt / derselb punct steet auff der
mittag linia oberhalb des Astrolabiums Centro oder mit-
tel punct.

So du dann diese Kreiß linien vnd circel kennen hast ges-
lernet / so schaw welche Kreiß zwysach seind / vnd vnder des
Astrolabiums mittel punct auff der mittag linia an dem
ort da der Erumb horizon die mittag linia durchschneydet /
all zusammen kumen / so findestu die 4. Kreiß der heuser / wann
du dann den Erumb horizon / vnd die mittag linia darzu
rechnest / so hast vi. Kreiß der heuser / darnach wirt ein yeglich
cher Kreiß mitte in dem punct da der Erumb horizon die mit-
tag linien durchschneydet in zwey teyl geteilet / vnd also hast
die 12. linien der heuser / welche mit den eygen ziffren gemerck
sind / von ein bis auff 12.

Nach dem so findest vnder dem Erumb horizon 5. Kleyne
Kurze Kreißlein / die stossen alle mit iren obern orten an des
Krebs Kreiß / vnden aber stossen sy hinab / Bis auff des Stein-
bocks Kreiß / Vnd so du dan die mittag linia darzu rechnest /
vnderhalb des Krebs Kreiß / bis auff des Steinbocks Kreiß /
vnd das ein ort des Erumb horizonen in auffgang / das ist /
zur lincken handt / so hast die Kreiß oder linien der vngleiche
oder der planeten stund / welche wir zu latein Arcus horarū
inequalium nennen / diese stund seind ethwan im Judischen
land im prauch gewest / seind auch die stund nach wellichen
die heylig schrifft an vil ortern zelt / vnd diese linien oder Kreiß
seindt mit eygen ziffren oben des Krebs Kreiß nach gemerck
von der gerechten seyten des Erumb horizonen / bis zur lin-
cken / Darnach sichstu sechs Erade linien / die durchschneyde
sich alle in des Astrolabiums mittel punct / da sich die mit-
tag linia vnd Erade horizon durchschneyden seind / auch ein
wenig gröber geriffen dann die andern linien / von des vnder